

Priča o porodici Baltić

Anto Baltić živi sa suprugom, sinom udovcem i tri unuke u selu Paklarevo, pokraj Travnika. Antina snaha je tragično preminula u saobraćajnoj nesreći, ostavljajući za sobom troje maloljetne djece. Porodica živi u kući koju je Anti dao na korištenje njegov rođak, koji živi i radi u Njemačkoj. Ova šestočlana porodica koristi samo dvije sobe u prizemlju kuće. Trenutna kuća u kojoj borave je privremeni smještaj za porodicu Baltić. Materijal za izgradnju nove kuće u selu Paklarevo je već dostavljen. Trenutno je u toku proces izgradnje u okviru podprojekta BiH2, te bi radovi trebali biti finalizirani do kraja 2017. godine.

Anto je jedini zaposleni član porodice. Radi u obližnjoj firmi POŽG kao čuvar, međutim zbog lošeg poslovanja, pretpostavke su da će se firma zatvoriti za nekoliko mjeseci. Porodica Baltić je u okviru pomoći BPRM-a dobila kosilicu. Kažu da im je od velike pomoći – doprinosi uštedi vremena, olakšava rad i kretanje starijih članova porodice, te pomaže smanjenju troškova – s obzirom da su prije morali da plaćaju za uslugu košenja. Anto se sa svojom porodicom bavi i stočarstvom. Posjeduje četrdeset ovaca od kojih uspijeva da zaradi solidna primanja. Planira da nabavi još ovaca, kako bi nakon zatvaranja firme u kojoj trenutno radi, mogao da obezbijedi pristojan život, te sredstva za školovanje unukâ. Pozitivan odnos prema životu i nada za ljepšu budućnost, uprkos bolnim događajima koji su ih zadesili, odlike su koje ovu porodicu čine dobrim primjerom održivog povratka. Želja da u rodnom mjestu stvore uslove za dostojan i sretan život ipak je odredila budući put Antine porodice.

